

## Script of Evening Gojri News Bulletin 17 July 2024 at 1700 Hrs

ایوننگ گو جری نیوز بلیٹن مورخہ 17 جولائی 2024

\*\*\*\*\*

یوہ آکا شوانی جموں ہے طارق ابرار تے نصرت چودھری تیں خبر سٹو۔ پہلاں خاص خاص خبر۔

\*\*\*\*\*

- \*1- وزیر اعظم نریندر مو دی نے عالمی معیشت غی ترقی واسطے ”میک ان انڈیا“ غی کامیابی غی کہانی غی تعریف کی ہے۔
- \*2- مرکزی وزیر صحت جے پی نڈا نے سینٹرل ڈرگس سٹینڈرڈ کنٹرول آرگنائزیشن غا اہلکاراں سنگ جائزہ میٹنگ کی ہے۔
- \*3- مرکزی وزیر ڈاکٹر جتندر سنگھ نے ایشیا غی پہلی صحت تحقیق بارے پری کلینکل نیٹ ورک سہولت غو افتتاح کیو ہے۔
- \*4- تے مرکزی وزیر کرن رچی جو نے امرناتھ یا تریاں واں انتظامات غو جائزو لین غی خاطر بالتال بنیا دی کیمپ غو دورو کیو ہے۔

\*\*\*\*\*

خبریں غی تفصیل نال پہلاں نصرت چودھری۔

### PM Make In India

وزیر اعظم نریندر مو دی نے سوشل میڈیا غے ذریعے کچھ جہلک سانجھی کی ہیں کہ کس طرح ”میک ان انڈیا“ بھارت غی معیشت نانہ عالمی سطح ور لے جا رہیو ہے۔ انہاں نے کہیو ہے جے بھارت بائی سائیکل عالمی سطح ور جانی جا رہی ہے۔ جہیڑی برطانیہ، جرمنی تے نیدر لینڈ در بدھ رہی ہے۔ یاہ ترقی بین القوامی بازاراں مانہ بھارت غا بدھتا وا اثرات نانہ نمایا کرے۔ بہار غا بنیا اجوتا ہن روسی فوج غو حصو ہیں۔ یوہ سنگ میل بین القوامی دفاعی بازاراں مانہ بھارت غا بدھتا وا اثر تے اس غی منی فیکچرینگ صلاحیت غی اعلیٰ معیار غی عکاسی کرے۔ بھارتی مصنوعات نے ایمزان بلیک فرائیڈے تے سائبر منڈے غی فروخت ور غلبو حاصل کیو ہے۔ جس نے اس غی عالمی اپیل نانہ نمایاں کیو ہے۔ اس تیں ملک مانہ لکھاں غی تعداد مانہ روز گار پیدا ویں گا۔

\*\*\*\*\*

### Nadda Review Meeting

مرکزی وزیر صحت جگت پرکاش نڈا نے اج نوی دہلی مانہ دوائیاں غے متعلق ”سینٹرل ڈرگس سٹینڈرڈ کنٹرول آرگنائزیشن غا عہدیداراں غے نال اک جائزہ میٹنگ کی۔ میٹنگ غے دوران سیکریٹری صحت اپورا چندر تے دیگر سنئیر افسر موجود تھا۔ سی ڈی ایس سی او ملک مانہ دوا، طبی آلات، تے کا سمیٹنگ غا معیار، حفاظت تے افادیت نانہ کنٹرول کرے۔ اس مہینہ غا شروعات مانہ جناب نڈا نے قومی صحت حکام این ایچ اے غا سنئیر عہدیداراں غے نال آیوشمان بھارت پردھان منتری جن آرگیا یوجنا تے آیوشمان بھارت ڈیجیٹل مشن غو جائزو لیوتھو۔

\*\*\*\*\*

### NITI Ayog

حکومت نے نیتی آیوگ تشکیل مانہ ترمیم کی ہے۔ وزیر دفاع راجناتھ سنگھ غے نال نال وزیر داخلہ امت شاہ، وزیر نراعت شیوراج سنگھ چوہان اور خزانہ غی وزیر نرملاسیتھا

رمن نانہہ سابق رکن غا طور ور شامل کیو ہے۔ سرکاری نوٹیفکیشن غے مطابق سڑک رسل رسائل اور ہائی ویز غا وزیر نتن گڈکری، وزیر صحت جگت پرکاش نڈا، زیر سٹیل ایچ ڈی کمارا سوامی، ایم ایس ایم ای غا وزیر جتن رام مانجھی، پنچائتی راج غا وزیر راجیو رنجن سنگھ، سماجی انصاف اور با اختیار بنان غا وزیر ڈاکٹر وریندر کمار، ہوابازی غا وزیر کے رام موہن ناٹھو، قبائلی امور غا وزیر جول اورم، کالسریاں اور بچاں غی ترقی بارے وزیر انپورنا دیوی، فوڈ پروسسنگ غا وزیر چراغ پاسوان اور منصوبہ بندی غا وزیر راؤ اندر جیت سنگھ سپیشل انوائٹرز ویں گا۔ وزیر اعظم نریندر مودی نیتی آیوگ غا چیئرمین رہیں گا جد کہ سمن بیری نائب صدر غا عہدہ ور برقرار رہیں گا۔ گل وقتی ممبراں مانہہ وی کے سرسوت، پروفیسر رمیش چند، ڈاکٹر وی کے پال اور آند ویرمانی شامل ہیں۔

\*\*\*\*\*

### Prez Speech Book

صدر جمہوریہ درویدی مرمو غا صدر دور مانہہ پہلا سال غی 75 اہم تقاریر نانہہ مرتب کرن آلی کتاب ”وینگز ٹو اوور ہوپ“ جلد 1 کل نوی دہلی مانہہ جاری کی جائے گی مرکزی وزیر ذراعت شیو راج سنگھ چوبان تے اطلاعات و نشریات غا وزیر اشونی ویشنوؤ غی موجو دگی مانہہ ای بک جو اجراء کیو جائے گو۔ پبلکیشن ڈویژن نے یاہ کتاب شائع کی ہے۔ کتاب بندی تے انگریزی زبانان مانہہ جاری کی جائے گی۔

\*\*\*\*\*

### Tribute Martyrs

جموں کشمیر ایکس سروس مین ایسو سی ایشن کٹھوعہ نے چیرمین گیپٹن گیان سنگھ پٹھانیہ غی قیادت مانہہ ڈوڈہ مانہہ دہشت گرداں غا حملہ مانہہ شہید ہون آلا بہادر فوجی جوانان نانہہ خراج عقیدت پیش کیو۔ سابق فوجی اہلکار خصیری تعداد مانہہ ایسو سی ایشن غا کٹھوعہ دفتر مانہہ جمع ہوا جت انہاں نے شہید فوجیاں نانہہ خراج عقیدت پیش کیو اور ان غی روح غا سکون واسطے دُعا کی۔ مہارا ضلع نمائندہ پردیپ شرما سنگ گل کرتاں واں چیرمین کپٹن گیان سنگھ پٹھانیہ اور نائب چیرمین کپٹن بلبیر سنگھ نے اس طرح کہیو۔۔۔ با

ٹ۔۔

\*\*\*\*\*

### SA Rajouri

راجو ری ضلع غا کھواس بلاک مانہہ سمپورنتا ابھیان غے تحت ہن مرکزی حکومت غی تمام سکیم ات نا فذہوری ہیں۔ تے لوکان نانہہ اس جو فائو ملنو شروع ہو گیو ہے۔ ہن مرکزی حکومت غے ذریعے سکولان غے نال نال ہسپتالان غی حالت وی بہتر ہو رہی ہے۔ مہارا ضلع نمائندہ نال گل کرتاں واں کھواس گا زونل میڈیکل افسر ڈاکٹر اتل شرما نے دسیو۔۔۔ بانٹ

\*\*\*\*\*

### Muharram

ملک غا دوجا حصال غی طرح جموں کشمیر مانہہ وی اج یوم عاشورہ مذہبی عقیدت و احترام سنگ منایو جا رہیو ہے۔ یوہ دن پیغمبر اسلام حضرت محمد ﷺ غا نواسا حضرت امام حسین اور ان غا ساتھیان غی میدان کربلا مانہہ شہادت غی یا دمانہہ منایو جائے۔ حضرت امام حسین اور ساتھیان نے کربلا غا میدان مانہہ سچائی اور انصاف غی خاطر اپنی جاناں غی قربانی دتی تھیں۔ اج اس دن غا موقعہ ور کئی تازعیہ جلوس وی کڈھیا جارہیا ہیں۔

\*\*\*\*\*

یہ خبر تم آکا شوانی جموں تیں سن رہیا ہیں خیراں غا باقی حصہ نال طارق ابرار۔

## Jatinder Singh

سائنس اور ٹیکنالوجی غا مرکزی وزیر مملکت ڈاکٹر جتندر سنگھ نے گذشتہ روز ٹرانسپلائٹیشنل ہیلتھ سائنس اینڈ ٹیکنالوجی انسٹی ٹیوٹ فریدآباد مانہ صحت تکنیک بارے پہلی پری کلینکل لیبارٹری غو افتتاح کیو۔ وزیر موصوف نے کہیو ہے جے عالمی سطح ور نویں اور ایشیا مانہ اس طرح غی گھن آلی یاہ پہلی لیبارٹری ہے۔ ڈاکٹر جتندر سنگھ نے جینیا تی طور ور بیان کردہ انسان سنگ جڑیا ماٹرو بائیل کلچر کلیکشن سہولت غو وی افتتاح کیو۔ جس سنگ تحقیقی اداراں، یونیورسٹیاں اور تحقیق تے ترقی واسطے صنعت نانہ بابدو دین مانہ مدد ملے گی۔ وزیر موصوف نے بائیو ٹیکنالوجی شعبہ غی طرفوں ٹیکا کاری ترقی غی خاطر نجی سیکٹر سنگ اک درجن توں متا مفاہمت ناماں ور وی دستخط کیا۔

\*\*\*\*\*

## Rijju Yatra

پارلیمانی تے اقلیتی امور غا مرکزی وزیر کرن رچی جو نے اج مرکزی کشمیر غا ضلع گا ندر بل مانہ جاری امرناتھ یا ترا غا انتظامات غو جائزو لیو۔ جناب رچی جو اج سویرے بالتال بیس کیمپ پوجیا تے یا ترا کرن آلا عقیدت منداں واسطے سکیورٹی، صحت تے دیگر سہولیات سمیت انتظامات غو جائزو لیو۔ مرکزی وزیر نے سوشل میڈیا اکاؤنٹ مانہ اک ویڈیو مانہ دیکھیو جا سکے کہ وے بالتال غی بلندی ور چھتری پکڑے یاتریاں گا انتظامات غو جائزو لے رہیا ہیں۔ وزیر موصوف نانہ عہدیداراں نے امرناتھ یا ترا تے اس رستہ ور یا تریاں واسطے دستیاب سہولیات غا بارا مانہ جانکاری دتی۔ 52 دن لمی امرناتھ یا ترا 29 جون نانہ جنوبی کشمیر غا نوان پہلگام تے سینٹرل کشمیر غا بالتال رستاں تیں شروع ہوئی تھی۔ ہن توڑی 3 لکھ 30 ہزار عقیدت منداں نے امرناتھ گفہ گا درشن کیا ہیں۔

\*\*\*\*\*

## Packaging Honey

محکمہ ذراعت جموں غا ڈائریکٹر ایس امریندر سنگھ رین نے محکمہ غا اپنا فارماں مانہ تیار ہون آلی مکھیر غا معیار نانہ برقرار رکھن اور صارفین غی مانگ نانہ پورو کرن واسطے محکمہ ذراعت غا ڈائریکٹوریٹ دفتر کریشی بھون تالاب تلو مانہ نویں پیکجنگ نانہ متعارف کیو۔ ڈائریکٹر موصوف نے کہیو ہے نویں پیکجنگ اور نواں نرخ محکمہ غی طرفوں شہد غی صنعت نانہ بابدو دین اور صارفین توڑی معیار مکھیر فراہم کرن غا عزم نانہ ظاہر کرے۔ انہاں نے کہیو ہے نویں پیکجنگ مانہ پلاسٹک غی بوتلاں غے بجائے کچ غی بوتلاں غو استعمال کیو گیو ہے۔ تا نجے مکھیر غا معیار نانہ یقینی بنایو جا سکے۔ انہاں نے یوہ وی کہیو ہے ایپی کلچر ڈولپمنٹ سکیم جموں غو فوڈ سیفٹی اینڈ سٹینڈرڈ اتھارٹی آف انڈیا غے تحت اندراج کرایو گیو ہے۔ تا نجے مکھیر بیچن غا ضابطاں ور عمل ہو سکے۔ ڈائریکٹر موصوف نے کہیو ہے ہن ادھا کلو غی پیکجنگ وی دستیاب کرائی گئی ہے۔ انہاں نے ایپی کلچر ڈولپمنٹ سکیم غی طرفوں شہد غی مکھی پالن آلاں واسطے تربیت، رہنمائی اور ڈھانچہ غی امداد غا قدام نانہ وی سراہیو۔ انہاں نے کہیو ہے اس سنگ نہ صرف شہد غی مکھی پالن آلاں نانہ مدد ملے گی بلکہ جموں مانہ ایپی کلچر سیکٹر غی ترقی مانہ وی یہ اقدام مددگار ثابت ویں گا۔

\*\*\*\*\*

## EK Ped Maa Ke Naam

جنگلات اور ماحولیات نانہہ بچان واسطے بیداری عام کرن غا مقصد سنگ گو رنمٹ ڈگری کالج مڑھ غا این ایس ایس یونٹ نے کالج غا پر نسیل ڈاکٹر راکیش کمار کول غی نگرانی مانہہ ”ایک پیڑ ماں کے نام“ غے تحت اک پروگرام غو اہتمام کیو۔ اس موقع ور ڈاکٹر راکیش کمار کول نے کہیو جے پودا تے درخت مہاری زندگیاں نانہہ بچاویں لیکن موجو دہ سہل طرز زندگی غی وجہ نال ماحولیات نانہہ نقصان پُج رہیو ہے۔ اُنہاں نے کہیو جیکر ہم نے ماحولیات نانہہ بچان غی خاطر فکر نہ کی تاں انسانیت نانہہ سخت للکاراں غو سامنو کرنو پے گو۔ ڈاکٹر راکیش کمار نے یوہ وی کہیو جے بے موسمی بارش تے درجہ حرارت مانہہ مُج زیا دہ بابدو تشویش ناک گل ہے۔ اس صورتحال مانہہ شجرکاری وقت غی لوڑ ہے۔ اُنہاں نے بیداری عام کرن ور وی زور دتو۔ این ایس ایس افسر سچن کمار بھگت نے کہیو جے ”ایک پیڑ ماں کے نام“ پروگرام صرف بیداری پروگرام نہیں ہے بلکہ یوہ پروگرام لوکاں نانہہ قدرت سنگ وی جوڑن غو کم کر رہیو ہے۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔